



DEO OPTIMO MAX.
UNI ET TRINO.

VIRGINI DEIPARÆ, ET S. LUÇÆ

Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS

*manè discutienda, in Scholis Medicorum, die Jovis
primâ Martii M. DCC. XXXI.*

M. GUILLELMO-JOSEPHO DE L'EPINE,
Doctore Medico, Præsîde. *autore.*

An statim à Pastu Somnus?

I.



OMUNCIONEM te Omnipotentis fugit existentia?
aut ipsam nimis ingratus negas? In Cœlum vertas Lumi-
na, Annorum seriem, variosque Tempestatum recursus vel
unico oculorum ictu intuearis. Hæc, quæ credas, doce-
bunt. Parcus interim Numinis cultor & infrequens, ob-
stinatus obdurescis! nec te movet mirabilis Universi fa-
brica! temetipsum curiosus indagator scruteris; & digirum Omnipoten-
tis vel invitus agnosces. Ad quid enim Elementorum mixtura tam

A

exquisita? unde stat universus Orbis? illorum tam justum & varium pro vario habitu, alterius in alterum prædominium? unde Temperamenta? Liqueurum per canaliculos totum Corpus irrigantium flumina? unde liber purpurei Laticis circuitus? à quo pendet functionum integritas, nisi ut Divini Numinis Potentiam stupeas? Interim nobile Supremi Conditoris Opus citò deficeret, nisi ipsius dispendium succo nutritio refarciretur. Hinc Cibi Potusque appetitum cuilibet Animanti insevit Natura. Horum promptuarium Ventriculus, quod accepit cum foenore redditurus, ad universarum Corporis partium commodum & conservationem, quæ à functionibus pendet. Has firmiores & ad agendum habiliores conceperis, quò laudabilior minusque spissus fuerit Chymus è Ventriculo repetitis Solidorum ictibus communi Liquidorum alveo committendus.

I I.

STOMACHUS, Machinæ humanæ utilis si quæ pars, cæteris vestigal penfilar. Ipsum annona premit? languent. Omni succo defraudatæ? pereunt. Verum enim verò Chyli beneficio mutuo inter se vivunt commercio. Unde partium consensus & harmonia. Hunc publicam Fiscum dixeris, qui in se communem victum recondit, à quo pars quælibet suum mutuatur. Si oblitus muneris crudum & indigestum succum suppeditaverit, quanta inde malorum labe! omnia pessum ibunt. Cave enim credas primam coctionem ab alterâ posse corrigi. Chylo conficiendo non solus vacat Ventriculus; Os, Oesophagus & subjunctæ Partes Glandulis quibus scatent ipsi opitulatur. Ex iis enim continuò depluit succus qui Alimentorum partes in minima dividat & in pollinem vertat. Si verò Chylum crudum potius quàm defœcatum suppeditaverit, hunc ebibent longissimo Intestinatorum tractui adjacentia incernicula: unde Viscerum tensiones, Glandularum infarctus quamplurimi; Abcessus, Phlogoses & motus Sanguinis inordinatus, unde morborum Iliades. Cave igitur dum communi partium Corporis bono vacat, ipsum vel minimùm læseris si te Sanitatis cura tenet.

I I I.

SOMNUS reficiendo Corpori dicatus est; hunc Mortis imaginem dixere quod tunc jaceat iners Corpus, functionesque ferientur; vix enim per somnum, micant Arteriæ, nec non solito minor est Sanguinis circuitus motu Solidorum oscillatorio longè remissiori, unde Succus Nervæus aut Spiritus Animales (idem enim sonant) qui Nervorum propaggines ad motum & sensum meare debent, sepulti torpescunt & inglorii, unde nec sentit, nec movetur Machina; vegetiùs tamen statim à somno ad solitum reditura munus. Functionum igitur alacritatem fove si sit cura tui. Sed quietis tempus eligas opportunum; Ali-

3
menta enim in Ventriculum ingesta, sive solida, sive liquida, motu egent non paucò, ut ipsorum compages solvatur feliciter futura Chyli materies innoxia. Cave, tam nobile Naturæ munus, ope acidi fermenti absolvi pures, (hoc, totum opus acore suo inficeret) sed Lymphæ limpidæ & diluentis quæ Chylo fluiditatem conciliet. Hinc Natura sagax & provida Stomachum quasi fluctuantem voluit, ut suarum fibrarum contractilium ope, majori motu sed placido donaretur, nec sui aliis Partibus adhæsiōe, aut vicinorum Viscerum pressione, in operando turbaretur.

I V.

HUNC quem agimus diem cum Morte dividimus. Hinc vigilæ & somni necessitas; illâ Corpus exercetur, hoc reficitur. Dum membra turpi veterno colligata flaccescunt, hebescent sensus, eò vividiores surrecturi, quò fuerit digestio felicior. At quod juvat, sæpe nocet. Alimenta statim ingesta, nec partium divisionem passa, succi digestivi quantitate indigent plurimâ & Ventriculi contractilium fibrarum motu vividiori; Alimentorum enim molecule tunc Stomacho resistentiam opponunt solito majorem, nonnisi auctioribus Solidorum ictibus vincendam: hinc ingestorum mutantur superficies, solvuntur moleculæ vel rigidiores, ad tritumque debitum fit dispositio: at si Somno indulgeas, quid inde? fibrarum elatere sopito, suppressâ succi digestivi debitâ quantitate, muscutorum Abdominis remisso motu, rudis in fundo Ventriculi indigestaque stagnabit moles morborum futura materies vel infelix; hinc Succubus & Incubus quos Divinus Senex Apoplexiæ prodromos pronunciat; inde secernendorum minus habilis dispositio, & ad omne febrium genus purpurei Laticis pronitas & tendentia. Quid enim ab inspissato Sanguine non expectare est?

V.

FIRMA Sanitate gaudere cupis? debito Liquorum motui & Fibrarum elasticitati servandis invigila; licet enim Mortales una maneat Nox, semelque calcanda sit Lethi via, non singulos tamen æquo pede pulsat nec simili Fato. Horum ociùs, illorum seriùs versatur Sors, ad tempusque tardari potest fatalis moriendi necessitas, debito potissimum rerum non naturalium usu. Has inter locum tenet non infimum, Somnus. Hic fessa labore membra levat, Pauperes Divitesque beat æqualiter, modo ritè adhibitus; Somno ergo utere, non abutaris. Cibus in Ore quassatus per Oesophagum ad Ventriculum deferitur, ibi solvitur & Glandularum succo turgidus amat digeri; coctionis jam tenes rudimentum? Interim succussu & ulteriori partium evolutione indiget ut in Chylum abeat. An tunc feriari Naturam puras? errare est. Instrumentis adjuncta suis totis laborat viribus ut quod inceptum, perficiat. At si statim à pastu dormias Stomachi

4

Fibræ contractiles flaccescunt, Ventriculus laxatur, & Succus digestivus intrâ Glandulas coercetur; Itane Chylus opus mirabile perficitur? Absit; Motu non quiete opus est.

Ergo non statim à Pastu Somnus.

Proponēbat Parisiis, LUDOVICUS - MARIA
POUSSE, Parisinus, Baccalaureus Medicus,
A. R. S. H. 1731. à sextâ ad meridiem.